

## Mifototra amin'ny Galatiana 2:15-21.

### A Ny foto-kevitra ny fanamarinana.

#### ❖ Inona no atao hoe fanamarinana?

- Nambaran'i Paoly mazava tsara fa samy mila fanamarinana (izany hoe ambara fa marina) na ny Jiosy na ny jentilisa.
- Inona no voafaoka anatin'ny fanamarinana?
  - (a) Ny fanamarinana dia ny mifanohitra amin'ny fanamelohana. Ny olona nohamarinina dia sady voavela heloka no ambara fa marina (Deoteronomia 25:1).
  - (b) Ny fanamarinana dia midika hoe lasa anisan'ny vahoakan'Andriamanitra ilay olona nohamarinina.
  - (d) Ny fanamarinana dia mifandraika amin'Andriamanitra sy ny fanekeny.

### B Ny fomba ahazoana fanamarinana.

#### ❖ Ny asan'ny lalàna.

- Ny fanaovana ny asan'ny lalàna dia mitaky fanatanterahana – amin'ny eritreritra sy ny atao, ary amin'ny segaondra rehetra iainana – ny lalàna rehetra.
- Na dia atao hoe vitantsika aza izany, tsy mahavonjy antsika velively ny asan'ny lalàna. Fitsipi-piainana fotsiny ny asan'ny lalàna fa tsy fomba hanavotana antsika na hahazoantsika famelan-keloka.

#### ❖ Ny finoan'i Jesosy Kristy.

- Tsy mila fenoina amin'ny alalan'ny asa ny finoana. Ny fanamarinana dia tsy hoe amin'ny alalan'ny finoana sy ny asa – araka ny fampianaran'ny mpitondra fivavahana Jiosy fahiny – fa amin'ny alalan'ny finoana irery ihany.
- Tsy foto-kevitra manjavozavo ny finoana. Tsy misy izany hoe manam-pinoana fotsiny amin'izao. Tsy maintsy misy zavatra inoana: dia ny asa nataon'i Jesosy ho antsika izany.
- Tsy ny finoana amin'ny maha-finoana azy no manamarina. Ny finoana no fomba amikirana amin'i Jesosy Ilay hany afaka manamarina antsika.
- Ny fanantenantsika dia ao amin'ny “finoan'i Jesosy Kristy.” Ny finoany, fa tsy ny antsika, no amonjena antsika. Tsy misy fahamendrehana ao amin'ny finoantsika.

### D Ny vokatry ny fanamarinana.

#### ❖ Ny fankatoavan'ny finoana.

- Ny tena finoana dia avy ao amin'ny fo voatohina izay voataona hitia sy hankasitraka an'Andriamanitra noho ny fahatsarany.
- Mino isika rehefa avy nahatakatra sy nanaiky ny sorona lehibe nataon'Andriamanitra mba hanomezany antsika fiainana mandrakizay.
- Ny finoana dia fitiavana asetry ny fitiavan'Andriamanitra.
- Rehefa tonga ny finoana dia tsy tiako intsony ny hampalahelo an'Andriamanitra amin'ny fanaovana fanahy iniana hanota.

#### ❖ Mbola hanohy hanota ve?

- Nampangain'ny sasany i Paoly hoe manasongadina ny finoana ihany fa tsy ny asa. Noheverin'izy ireo fa nampirisihan'i Paoly hanohy hanota ny jentilisa rehefa avy nohamarinina.
- Takatr'i Paoly fa noforonina indray isika rehefa avy nohamarinina. Efa velona ao anatintsika izao i Kristy ka tanterahantsika ny asa izay efa nomaniny mba hizorantsika (Galatiana 2:20; 2 Korintiana 5:17; Efesiana 2:10).